

KONSEP NOODLENIGINGSBELEID VIR CEDERBERG MUNISIPALITEIT

INLEIDING

Die Cederberg Munisipale Raad is entoesiasies om te verseker dat al sy inwoners behoorlik ondersteun en bygestaan word waar noodleniging benodig word.

Die koste van onmiddellike noodleniging is 'n gesamentlike verantwoordelikheid tussen die Raad, NGO's, gemeenskappe, besighede en die Provinsiale Departement van Maatskaplike Dienste en Armoedeverligting.

Die Cederberg Munisipale Raad sal ingevolge die Grondwet (Wet 108 van 1996), die Wet op Rampbestuur (Wet 57 van 2000), Beleid van Maatskaplike dienste en Armoedeverligting, die Sosiale bystandswet (Wet 59 van 1992) en in samewerking met rolspelers in die gebied, handel.

Definisie

Ramp beteken 'n progressiewe of skielike, wydverspreide of plaaslike, natuurlike of menslike daad wat veroorsaak of dreig om te veroorsaak.

- . dood, besering of siektes;
- . die beskadiging van eiendom, infrastruktuur of die omgewing;
- . die versteuring van die lewe van 'n gemeenskap;
- . van so 'n aard en omvang is dat die geaffekteerde/s nie by magte is om uit eie bronne met die ramp te handel rue.

Enige ander gebeurlikheid waar hulp/bystand benodig word om menslike welstand te verlig.

Beginnels

Die beginsels waarna Cederberg Munisipale Raad streef is om;

- . met deernis na al sy inwoners om te sien;
- . nodige hulp/bystand te verleen tydens 'n ramp;
- . sy inwoners, ongeag ras en geslag, met die nodige respek te behandel;
- . sy inwoners te beskerm;
- . die verantwoordelikheid te aanvaar vir rampe en om voorsiening te maak vir onmiddellike sosiale verligting.

Beleid

Die volgende konsep word as beleid van die Raad voorgestel;

- . Dat 'n gesamentlike ondersoek deur die Direkteur: Sosiale en Ekonomiese Ontwikkelingsdiens Afdeling: Beskermingsdienste en die Distrikskantoor van Departement Maatskaplike Dienste en Armoedeverligting uitgevoer word om die omvang van enige ramp en meriete vir noodleniging te bepaal en verslag daarvoor te doen.

Kontrole

1. Die Departement Sosiale- en Ekonomiese Ontwikkelingsdienste die kontroleringsrol sal vervul en die volgende inligting aan die Distrikskantoor van Departement Maatskaplike Dienste voorsien;
 - Datum, tyd en plek van gebeure;
 - Beskrywing van voorval (bv. brand, vloed of ongeluk);
 - Getal families en individue wat geaffekteer is (volwassenes/kinders); . Getal strukture/geboue wat beskadig of vernietig is;
 - Bystand wat benodig word synde geskatte totale kostes;
 - Organisasies betrokke of wat bystand verleen het;
 - Aantal beseerdes;
 - Bevestiging of enige NGO's betrokke is;
2. Dat daar skakeling floet plaasvind tussen die kantoor van die Munisipale Bestuurder en die Distriksbestuurder van Maatskaplike dienste.
3. Bystand aan die geaffekteerde/s verleen word om hulle eise vir noodleniging by die Departement Maatskaplike Dienste en Armoedeverligting in te dien.
4. - Dat die finansiële haalbaarheid ondersoek moet word en aanbevelings in die verband aan die Raad gemaak moet word.
5. Dat moontlikhede ten opsigte van voedselsekuriteit ook ondersoek moet word ten einde me die Raad se huidige begroting te affekteer me.